



Broj: 01-49-818/16-4
Datum: 14.12.2016. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Konkursne komisije za odabir najboljeg idejnog rješenja uređenja gradskog parka lokaliteta „Park Hadži Ali – begova džamija“ Travnik broj: 01-49-818/16-1 od 7.12.2016. godine, načelnik Općine Travnik, **d o n o s i**

R J E Š E N J E
o dodjeli II nagrade i otkupu
Idejnog rješenja uređenja gradskog parka lokaliteta „Park Hadži
Ali – begova džamija“ Travnik

Član 1.

Prihvata se preporuka Konkursne komisije broj 01-49-818/16-1 od 7.12.2016. godine te se II nagrada u iznosu od 1.500,00 KM brutto, dodjeljuje autoru konkursnog rada pod šifrom T4K7L3 – Predrag Kostovski dipl.ing.arh iz Livna.

Sva prava i obaveze između autora nagrađenog i otkupljenog rada i ugovornog organa će se regulisati posebnim ugovorom.

Član 2.

Prijedlog ugovora o nabavci dostavit će se na potpis izabranom autoru po protoku roka od 15 dana od dana kada ponuđač bude obaviješten o izboru najpovoljnije ponude.

Član 3.

Za izvršenje ovog Rješenja zadužuje se Služba za urbanizam, građenje, katastar i imovinsko – pravne poslove.

Član 4.

Ovo Rješenje objavit će se na web-stranici Općine Travnik, istovremeno sa upućivanjem autorima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Ovo Rješenje stupa na snagu danom donošenja i dostavlja se ponuđaču koji je učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) zakona o javnim nabavkama.

O b r a z l o ž e n j e

Postupak javne nabavke usluga: Izrada idejnog rješenja uređenja gradskog parka lokaliteta „Park Hadži Ali – begova džamija“ Travnik pokrenut je Rješenjem o pokretanju postupka javne nabavke broj 01-49-818/16 od 21.9.2016. godine. Javna nabavka je provedena putem konkursa za izradu idejnog rješenja. Obavještenje o nabavci je objavljeno na Portalu Agencije za javne nabavke pod brojem 54-6-2-128-3-72/16 od 22.9.2016. godine, ispravka obavještenja broj: 54-6-2-129-8-76/16 dana 27.9.2016. godine. Sažetak obavještenja o javnoj nabavci je objavljen u „Službenom glasniku BiH“ broj 73/16 od 30.9.2016. godini, te na web stranici općine Travnik www.opcinatravnik.com.ba

Tenderskom dokumentacijom je predviđeno da, ukoliko do utvrđenog roka za predaju radova budu dostavljena najmanje tri kvalifikovana konkursna rada a koja ispunjavaju uslove Konkursa, Komisija će pristupiti njihovom ocjenjivanju, te će se odlukom Komisije dodijeliti nagrade i to: I nagrada u iznosu od 3.000,00 KM, II nagrada u iznosu od 1.500,00 KM i III nagrada u iznosu od 500,00 KM. Ukupan fond nagrada iznosi 5.000,00 KM. Takođe, tenderskom dokumentacijom je predviđeno da se nagrade dodjeljuju u brutto iznosu i da ujedno predstavljaju naknadu za otkup nagrađenog rada, odnosno otkup svih autorskih prava od autora.

Rok za dostavljanje ponuda u skladu sa tenderskom dokumentacijom broj: 01-49-818/16 bio je 7.11.2016. godine.

U skladu sa tenderskom dokumentacijom Komisija za javne nabavke imenovana Rješenjem broj 01-34-16-524/16 od 6.6.2016. godine sa protokola Općine Travnik zapisnički je preuzela blagovremeno pristigle radove, te iste dana 8.11.2016. predala predsjedniku Konkursne komisije, o čemu je sačinjen zapisnik. Ukupno je zaprimljeno 5 (pet) blagovremeno pristiglih ponuda pod sljedećim šiframa: AMD372, GNT896, 2K5T7Y, T4K7L3 i UIA714. Koverta broj dva sa naznakom „AUTOR“ su neotvorene deponovane do završne sjednice Konkursne komisije.

Prva sjednica Konkursne komisije je održana 15.11.2016. godine. Sjednici su prisustvovali svi imenovani članovi Komisije i jednoglasno utvrdili kriterije važnosti ocjenjivanja i to: funkcionalnost, estetika i originalnost i racionalnost. Komisija je otvorila kovertu te u skladu sa gore utvrđenim kriterijima je pristupila vrednovanju pristiglih radova o čemu je sačinjen Izvještaj koji su na završnoj sjednici održanoj 7.12.2016. godine potpisali svi članovi Konkursne komisije, te sačinjena rang lista nagrađenih radova i to:

- II nagrada - rad pod šifrom T4K7L3
- III nagrada – rad pod šifrom GNT896

Rad pod šifrom AMD372 nije razmtran jer je potpisan od strane autora, a radovi pod šifrom 2K5T7Y i UIA714 nisu nagrađeni.

U nastavku rada Komisija za javne nabavke, nakon što je primila Izvještaj Konkursne komisije, pristupila je otvaranju koverti broj dva sa naznakom „AUTOR“.

Nakon otvaranja koverti broj dva utvrđeno je da:

1. Rad pod šifrom GNT896– pripada autoru Seleni Begović, dipl.ing.arhitekture iz Novog Travnika
2. Rad pod šifrom 2K5T7Y – pripada autoru Čamdžić Emini, dipl.ing.arhitekture iz Sarajeva;
3. Rad pod šifrom T4K7L3 – pripada autoru Predragu Kostovskom, dipl.ing.arhitekture iz Livna
4. Rad pod šifrom UIA714 – pripada autoru Ajli Kahrić bachelor inženjer arhitekture iz Beča – Austrija, sa prebivalištem u Čosićima – Karaula

5. Rad pod šifrom AMD372 – pripada autorskom timu fizičkih lica Almi Alajbegović magistru hortikulture iz Kaknja i Aidi Mehić magistru hortikulture iz Turbeta

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke i Konkursne komisije. Naime, u postupku je ocijenjeno da je Komisija u svemu pravilno postupila te je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 5 (pet) dana od prijema istog.

Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima,
2. Arhiva.



NAČELNIK

Admir Hadžiemrić, dipl. ecc.